

I. N. D.
DISSERTATIO PHILOSOPHICA,
De
**CIRCUMSTANTIIIS
ACTIONUM HUMA-
NARUM,**

Quam,
Ex Licentia

AMPLISS: FACULT. PHILOS: in per cele-
bri hoc Musarum ad Auram Athenæo,

P R Æ S I D E ,

Admodum Reverendo atq; Celeberrimo Viro,

D N . JOH. MUNSTER,

Philos. Pract. & Histor. Professore,
nec non Pastore in Lundio Gravissimo,

PRO GRADU MAGISTERII,

Ejusq; PRIVILEGIIS,

*In tessera Publici Examini Doctorum
Censura submisse exhibet,*

S. R. M. Alumnus

PETRUS J. THURONIUS, Finl.
Ad diem 17 Octob. horisq; consuetis
in Auditorio Maximo A. 1703.

EXC. Jo. WALL.

NOBILISSIMIS, AMPLIS
DN. JOHANNI
Godenhielm/
Dicaſterii hujus
ADSES
Consultissimis nec
MÆCENATIBUS
meis pro
PACEM, SALUTEM, GRA

 conditionem omnium Mortalium & statuum mutuo auxilio niti, maxime Musarum Cultorum, tam est certum, quam probatissimum. Varia enim hi sæpe

RIS

SIMIS ATQVE CONSPICUIS

DN. ERICO

Boschiold/

Fennici Aboënsis

SORIBUS

non Gravissimis,

ET DOMINIS

pensissimis,

TIAM ET QVÆVIS FAUSTA!

pè feriuntur fortuna adversa, cum ha-
ud facile emergant, quorum virtutibus
obstat, res angusta domi, sed Magno-
rum Musarum Patronorum & Mæcena-
tum Gratia insigni opus est, quo pro-
mo-

moveantur. Haud minimam VESTRAM
MÆCENATES & DOMINI BENI-
GNISSIMI. Musarum Chorus & Cul-
tores, omni in tempore, expertus est Gra-
tiam, hujus multa existunt documenta,
ut in illa prædicanda adeo, insufficiens
forem, præstat illud à me saltim nomi-
nari, à multis ejus participes qui facti
omnino concelebrari. Nominari, in-
quam, non quod non summa illa VE-
STRA MÆCENATES & DOMINI Ma-
gni Gratia & propensio, quavis in occa-
sione, se mihi etiam coruscans commu-
nicaverit, sed quod me imparem & indi-
gnum tanta Gratia lubens agnoscere cu-
piverim. Ego, quem fatum tum immi-
tiori sidere adipicere videbatur, quando
Parente orbatus, relinquebar, inops au-
xili cum studiorum meorum docu-
menta ostendere decrevi, cuius obitus à
me multum jam desideratur; Gratiâ ta-
men VESTRA & instinctu, MÆCENA-
TES MAGNI, eadem ad scopum propo-
positum perducere potui. Qvare, MÆ-
CENATES PROPENSISSIMI, mihi
non

non succenseatis, qvōd tantæ audaciæ
sim, ut MAGNA VESTRA NOMINA,
his pagellis præfigere sustinuerim, in
memoriam Gratiæ VESTRÆ mihi
semper præstitæ, nec non ejusdem post-
modum aucupandæ ergo. Adspicite,
VOS MÆCENATES SUMMI, decora
& ornamenta Ordinis Juridici, leve hoc
& humilium gratitudinis signum,
hancque opellam leviſculam grato &
benigno ſuſcipite animo, qvod si minor
fit, ut omnino eſt, tanto VESTRO ad-
ſpectu, Gratia VESTRA MÆCENA-
TES CONSPICUI, qvæ major eſt, mi-
nimam maximam efficiatis, DOMINI
mei & PPOMOTORES ſemper exiſta-
tis; ſpes me non fallit. Interim memor
tantæ gratiæ & propenſionis obſtrictus
teneor, pro Salute & Prosperiτate VE-
STRÆ, MÆCENATES PROPENSIS-
SIMI, calida ad **D E U M** in cœlis
vota cordicitus mittere, ut vivatis fe-
lices diu, Reipublicæ decori & emolu-
mento, Muſarum Alumnis ſemper gra-
tiosi, vigeatis, floreatis, DOMINI CON-
SPI-

SPICUI in Nobilissimarum VESTRA-
RUM FAMILIARUM Gaudium, ful-
cimentum & ornamentum perenne,
hoc vovet, qvi ad fata manebit,

NOBILISSIMARUM & CONSULTIS-
SIMARUM VEST. AMPLITUD.

verbum humilitatis

PET. JO. THURONIUS.



CANDIDE LECTOR!

Ibi labor, ibi primum. Ille
Musis deoris incitati, hoc semper
exspectente. Studiorum quicquid
radices amarae, fructus vero
dulces, ac dñmidium facti qui
bene caput, habet. Ne in omni re constancia lau-
dabilis & Celebris, ita vel maxime in studiis
eorumque Cultoribus, hac laudem meretur;
Vacillanti, bie, ingenium potius obfuscatum
redditur, quam scientias ornatum. Socrates
Atheniensium Philosophorum seculi sui facile
princeps, discipulos ad speculum amandatos, e-
legantiam forme, vel morum pulchritudine
vincendam, vel deformitatis noxam splendido
virtutum fulgore penitus expungendam, con-
templari voluit. Data est à Summo Numinе
nobis præstantissima illa Philosophia, quā, velut
per speculum, mensem tenebris infestam repur-
gamus, in veri cognitionem ducimur, homi-
nem Theoria & Praxi perficit. Amantissimum
Philosophiae viridianum multis pulcherrimis
ornatum & constitutum est fructibus & floribus,

ut eorum venustas incredibili sui desiderio,
 quemvis suum spectatorem officiat. Fingunt
 Poëtae, Pygmalionem ex ebore virginem affabre
 adeò formasse, ut ipse operis sui conceperit a-
 morem, atque adeo Deam rogarit, ut animam
 ei inspirare vellet, quo cum unâ hanc vitam o-
 mnem dulciter agere posset: Similiter Divina
 bat virgo Philosophia, ob formæ sue elegan-
 tiā & morum concinnitatem, suis cultoribus
 ineffabilem instillat amorem, omnesque suos
 satellites, laurea certè coronat. Nunc à Cele-
 berrimo Collegio Philosophico jussus, ut pro sum-
 mo in Philosophia Gradu, aliquid loco Examini
 publici ederem; ut antea specimen emisi
 Academicum licet leviusculum, exercitii ergo,
 Theoricum, ita jam in animum induxi nobis-
 lissimum & iurundissimum Practices viretum
 ingredi, & odoriferos in sinu ejus repositos
 flores inspicere, atque nobilissimam juxta ac
 per elegantem Materiam de CIRCUMSTANTIIS
 ACTIONUM HUMANARUM, Candide Lector, ocu-
 lis suis dignissimis subiecere, fateor quidem
 materiam hanc etiam prolixè posse elaborari,
 verum cum tempore excludatur, prolixos discursus
 pervolvere, non licuit: quin & ostentatio-
 nis suspicione interdum longa opera non ca-
 rent, cum semper id verum manebit; Paucis

comprehendere multa laus est. Idcirco brevi-
tate quā possum maxima, praeferentem materiam
consideratu dignissimam, comprimere constiui.
Sed Zoile, qui aliorum opera sinistrè exponere
conseveristi, forte etiam de meo hoc levissima
Minerva conscriprio opere id fallurus es; Tha-
les quondam interrogatus, quodnam esset dif-
ficilimum? respondebat: se ipsum nosse; Ex
opposito sollicitatus, quodnam esset levissimum?
dixit: Reprehendere alios; Zoile reprehensio-
nem aliorum tibi levissimum semper persuasisti,
sed mores tuos corrigere, antequam aliorum cor-
rigas, metius quid si efficere queas, ideo te non
efferas, alios eorumque facta dentibus tuis
corrodas & minus; Mitto te Zoile eum tuis
opinionibus. Et opus hoc meum licet vile &
breve, Bono & Erudito Lectori, commendando, ad-
spice illud oculis tuis propensissimis, & benignis-
mis, gratiamq; tuam amplissimam adspergi si-
ne, dextre de hoc ingenii mei fructu senti, quod
licet impar tuo aspectui fuerit, interim Eru-
ditione & sinceritate tua laudanda medio-
ere efficies! Vale.

Tu DEUS Astripotens mentem linguaq;
guberna,
Atque meis cæptis aura succurre be-
nigna,

Summa conditoris nostri benignitas in pri-
mo homine elucebat, illum cum ad imaginē
suam formasset, variisque instruxisset dos-
tibus, præterea legem, quam Naturalem vo-
cant, ipsi indidisset, quæ norma & regula il-
lius actionum existeret. Sed proh dolor! A-
missa hac nobilissima integritate, diminuta est
hæc lex Naturalis, utpote etiam pars imaginis
Divinæ, interim reliquias aliquas ejusdem ad-
huc remansisse, in aprico est, quæ actiones i-
psius hominis normare debeat. Ut autem pau-
cis nos expediamus, aliquid de *Actione Humana*
in limine agamus, ut constet, quomodo huic
Circumstantiæ applicandæ sint. Notum est A-
ctionem diei ab agendo, non tamen præterea
indigitari quamlibet actionem, quam aliquis
perficit, sed intelligi ratione moralitatis; Atq[ue]
accipitur *Actio*, vel *I. Latissime*, prout omnem
actionem includit, quam homo efficere potest,
ut etiam naturalem involvat, e. g. edere, labo-
rare, quæ actiones homini cum bestiis commu-
nes sunt. *II. Stricte*, prout solam & liberam
voluntariam actionem importat. *III. Lata*,
prout sumitur pro omni actione, quæ mores,
vel bonos, vel malos, refere, voluntaria & invol-
untaria, quæ hominem decet, vel non decet.
In hoc significatu *actio* à nobis jam sumitur. In-
f.

super omnis actionis moralis requisita sunt hæc
 sequentia: I. Ut agens sit sciens. II. Ex certo animi
 proposito & consilio. III. Amore solius virtutis &
 honestatis. IV. Firma & constanti voluntate
 animi. V. Cum jucunditate quadam, agat.
 Principium actus **Moralis** effectivum, unde a-
 ctus moralis proxime & immediate producitur,
 dicimus esse ~~exigetur~~; illud vero, ex quo actus
Moralis formaliter & intrinsecè hoc habet, ut
 sit moralis, sunt Circumstantiae. Alias prin-
 cipia actionum dicuntur, spontaneum, Invi-
 tum, Electio, Consultatio, licet Aristoteles fa-
 ciat distinctionem inter spontaneum & volun-
 tarium, nobis tamen videtur, nulla inveniri
 differentia inter ea, quippe singula, quæ ab Ari-
 stotele in definitione spontanei reperiuntur, et
 iam licet reperire in voluntario, nempe non
 imperfecta, qualis est in bestiis, sed perfecta co-
 gnitio Circumstantiarum; In Sacris etiam ~~ex~~
 spontaneum est voluntarium; Fateri equidem
 necesse habemus, spontaneum extra Aristote-
 lem ita sumi ut in bestiis. & rebus inanimatis,
 voluntario sit contradicta, verum intra eam
 inficias imus, e. g. extra optimè dicitur: lapis
 sponte ascendit sed non voluntarie; At diceret
 aliquis si non sponte juxta illum, tum invite,
 sed dicimus dari tertium, vel sponte, vel in-
 vite, vel non sponte. **Humana** hæc dicitur

actio non hominis, quia non quævis actio, ut supra innuimus, intelligitur, sed potissimum, ea, quæ homine est digna, à ratione & libera voluntate proficiscitur.

§. II.

Breviter mentione facta Actionis Humanæ, jam pedem promoveamus ad institutum nostrum; Quod autem concernit ipsum nomen **Circumstantia**, cuius est obvium dici vulgo à **Circum &flare**; unde Thomas arbitratus est hanc vocem esse translatam ad actus Humanos, ab illis, quæ proprie locum quendam occupant. Quemadmodum id sit in rebus Naturalibus, ubi, quæ corpus seu rem in loco positam, extrinsecus afficiunt, illi accidere dieuntur, ipsamque aliquo modo concernunt, illi Circumstantiæ nomine veniunt; ita etiam in Moralibus Circumstantiæ nomen communiter sibi vendicare autumant, eum ea quæ actibus Humanis accedunt, quando in esse suo homo constitutus est, extra tamen illius substantiam, illum quadantenus afficeret sive attingere dicuntur; Quod si hoc Etymon valeret, Circumstantiæ ratione nominis nihil aliud forent, quam accidentia Actus Humani, quatenus nempe tales, quæ eundem velut circumstant, illumque alij qualiter attingunt afficiuntque, & hoc quidem

dem de Accidentibus prædicabilibus acceptandum veniret, cum prædicamentalia hic locum non habeant, ceu Circumstantia *Quis & Quid*, ad quæ etiam referenda, si animatum sit, *Instrumenti* seu *Quibus auxiliis*, prædicamentium substantiarum nomine insigniantur. Insuper Durandus hac in parte nimis licentiosus est, qui vocem Circumstantiæ tam latè extendit, ut non tantum iis, quæ actui humano accidunt, verum etiam cæteris omnibus, quæ motui physico extrinsecus accedunt, vel ut ipse exponit, *non substantia actus, in esse naturæ consideratae competane.* Hac ratione, non solum cognitio simpliciter talis, volitio, liberum arbitrium, consultatio, Electio, nec non reliqua, quæ ad actus humanitatem, sive ut vera causa, sive conditio sine qua non, concurrunt, verum etiam vulgariter sic dictæ Circumstantiæ, quantum in iis est, ipsa moralitas, Circumstantiarum nomen induerent. Sed hæc cum omnino excedant usum hæc tenus in Scholis Moralibus receptum, qui semper optimus dicendi Magister habendus, dicimus nos vocem Circumstantiæ, consentiente Philosopho Alexandro Alensi, Slovoglio, aliisque, iis solum posse tribui, quæ actui humano extrinseca, prout in esse humanitatis spectatur, in genere morum vero quando consideratur, substantialia sunt, ipsumque in esse

moris constituunt. Etiam si factendum nobis est,
 modo nominatum Alexand. de Ales Circumstan-
 tiā temporis & loci, ē numero primarum sic
 dictarum Circumstantiarum, i. e. earum, quae,
 ut ipse afferit, essentialiter ad actionis scilicet
 moralis essentiam spectant, eliminasse, adcoque
 eas tantum pro conditionibus individuantibus,
 quae actui supraveniunt, illumque consequuntur,
 venditasse; an illud recte fecerit, aut non, infra
 dicemus. Optimè diximus, quae actui morali in
 esse humanitatis accepto extrinseca sunt: dupli-
 ci enim modo actus moralis considerari potest,
 1 Ratione Humanitatis, quatenus humanus ac
 liber est. 2 Ratione moralitatis, quatenus ho-
 nestus ac turpis est: Priori modo si sumatur,
 Circumstantiae, actus, rationes accidentales; po-
 steriori verò, rationes essentiales constitutivæ
 omnia sunt, cum nihil aut parum faciat ad
 actus humanitatem, ad moralitatem verò mul-
 tum, Quis, Quid, quo in loco, Cur, Quando
 aut Quomodo quis agat, e. g. si quis extendat
 siccus manus, sive terminet ad rem propriam, si-
 ve ad alienam, idem actus erit quā humanita-
 tem, nec putandum est minorem illam, ma-
 joremque alterius, quod sustulisti pecuniam in-
 duere libertatem. Sed quod actus moraliter ma-
 li, & in specie furti nomine veniant, substi-
 tiale ipsis est, alterius pecunia contractatio, si
 pri-

privata sit, simpliciter furtum, si publica, peculatus, si sacro usui ordinata, sacrilegium, appellatur. Idem judicium de reliquis Circumstantiis, in efficienda actuum honestate & turpitudine, habendum. Alio nomine dicitur circumstantia, Circumspectio, quia actionem intuetur, illamque secundum omnes suas circumstantias sic ordinat atque disponit, ut per omnia rationis dictamini consentiant; præcipue igitur occupatur circumspectio circa actionum circumstantias, accurando eas & exigendo ad dictamen rationis. Quippe quod in aliis circumstantiis licet, & honestatem respicit, id in aliis non licet, sed turpe est: licet Magistratui, reum capitalis criminis & convictū, interimere, occidere, privato verò non licet; licet quandoq; viro opulento multos in convivium amicos adhibere, pauperi non item; licet hic noctu sine lumenibus in publicum prodire, alibi ubi Magistratus id ipsum prohibuit non licet.

§. III.

Hinc pacet illos falli & fallere, qui Circumstantias respectu actuum moralium, se, ut accidentis habere, iisque ad extra accedere, vendicant, quorum plurimi sunt, quos hic enumerare netas ducimus: inter illos etiam Gibb, Burnanus est, qui explicare constus est, actionis Circumstantiam, per singularem & externam

actionis conditionem, sive extrinsecam actionis determinationem, statim distinguendo substantiam actionis, à Circumstantia ejusdem, hunc in modum differendo: *Prudenter distingui debet substantia actionis à Circumstantia.* Nam substantia vel essentia interna est, circumstantia externa, ideo actio eadem potest esse secundum essentiam, vel speciem actionis, sed diversa secundum Circumstantias: velut domi, vel in templo confabulari, eadem specie actio est secundum essentiam, sed variatur secundum Circumstantiam locorum. Semper itaque substantia actionis, distingui debet à Circumstantia: velut objectum furci est res aliena. Illud, nempe alienum esse, non est Circumstantia furti, quod definitur fraudulenta correctatio rei alienæ invito Domino. At parvum vel magnum esse, manifestum vel non manifestum, sunt circumstantiae furti. Et ab iis circumstantiis furtum estimatur. Nam magnum furtum magis punitur, quam parvum, manifestum, quam non manifestum. Non recedit ab illo Pavonius: *Sciendum est, inquit, circumstantias posse comparari, vel cum actu interno voluntatis, vel cum actione exteriore, quæ est objectum actus interni.* Respectu actionis exterioris, circumstantiae habent simpliciter rationem Circumstantiarum, quia se habent ut

accidentia. Licet enim Circumstantiae a quā
 mortali, quatenus in esse liberi seu humanitatis
 accepitur, competant: quemadmodum ex ante-
 cedentibus constat, & res aliena ad furti sub-
 stantiam non pertineat, qui motus humanus
 seu liber est, interim rō alienum, quod detra-
 hitur, reliquæq; circumstantiæ, ipsius furti in esse
 morum sumti, manebunt rationes constituti-
 vae internæ, & differentiæ, nempe specificæ, qua-
 rum intuitu contrectatio, quæ furti nomine ve-
 nit, non tantum in esse furti conficitur, verum
 etiam à cæteris, quæ rem propriam concerunt,
 quod fursum dici nequit, descriminetur. Præte-
 rea, videtur Burnathus confundere circumstan-
 tiæ, quæ furto intrinsecæ & essentiales, cum illis,
 quæ accidentiaræ, & quoad in esse furti est
 constitutum, sunt, cum in sensu morali, etiam
 obuli ablato, quæ invito Domino est facta,
 omnino furtum dicitur, ut nihil quidquam con-
 fert ad substantiam hujus facti, sive occultum,
 sive manifestum, sive quod furto ablatum est,
 magnum seu parvum & minimum erit. Neque
 repugnat, etiamsi nonnullæ ex Circumstantiis,
 aliquando, actus moralitati accidentant, non ta-
 men individuam atque internam ejus ratio-
 nem respiciunt, quemadmodum Circumstantiæ
 temporis & loci monstrant, quæ ad quemlibet
 actum non requiruntur, cum quorundam a-

Quam rectitudo, aut pravitas, hinc non estiman-
ds, ubi aut quando, vel quo in loco, die an no-
ste illud efficiatur. Verum equidem est, quod
intus moralitas ex circumstantiis pro-
veniat, unde etiam ille omnem, quā gaudet ho-
nestate atque turpitudine, adipiscitur, id tamen,
aut non de omnibus indeterminate, verum in-
signioribus, quae Philosopho *μάλιστε νοεῖσαι*
audiunt, circumstantiis, aut de omnibus, neq;
propterea de actu morali in individuo, & qua-
tali, verum de eo in sua latitudine, & quate-
nus sic, intelligimus, cum in proposito sit,
quod si de actu morali prioris ordinis loqua-
mur, & illum in singulari hunc illumne con-
sideremus, ab hoc illæ, ab alio aliae, actus au-
tem moralis in communitate sua acceptus, ne
minima, ne temporis quidem, *locique Circum-*
stantiis, illæsa ejus honestate atque turpitudi-
ne, carere nequeat.

§. IV.

Ordine nunc pervenimus ad ipsam Circum-
stantiarum descriptionem, earumque nume-
rum, qui varius est propter diversas dissidenti-
um hac in re sententias; Nos Circumstantias
respectu actuum moralium sic describimus;
Circumstantiae sunt particulares facti moralis,
qua talis, rationes, qua ipsius substantiam ino-
gre-

grediuntur, illudque in esse talis facti conscientia. Vel brevius: sunt singula, in quibus actus moralis consistit essentia. Hanc esse adaequatam Circumstantiarum descriptionem, affirmat ipsa ratio; Generis vicem in data descriptione sustinet, particularis ratio actus moralis; differentiam exprimit effectus, qui est ingressio substantiaz, & essentiaz constitutio. Circa earundem numerum ingens est auctorum dividia, plurimi peccant in excessu, quemadmodum Bonaventura, his versibus, quatuordecim statuit:

*Aggravat, ordo, locus, persona, scientia, tempus,
 Aetas, conditio, numerus, mora, copia, causa,
 Est modus in culpa, status altus, lucta pusilla.*
 Piccolomineus ponit decem: agens, quod agitur, id quod agens agit, quo instrumento, quomodo, cuius finis gratia, quando, ubi, coram quo & quamdiu. Damascenus collocat octo:
Quis, Quem, quid, quo, ubi, quando aut quo tempore, quomodo, quare vel cuius gratia.
 Huic accedit Raymundus Barcinonensis, etiam si non nihil discedat ab illo in expositione earundem: *Quis, Quid, ubi, per quos, quozies, Cur, quomodo, quando: Saturninus septem enumerat: Causam, personam, locum, tempus, qualitatem, quantitatem & eventum.* Nos his omissis, assentimur Boethio, qui, quemad-

modum Vasquezius observat, primus Circumstantias tali ordine hisque nominibus proposuit, sepmque vulgari hoc versu propriè significari solent : *Quis*, *Quid*, *Ubi*, *Quibus auxiliis*, *Cur*, *Quomodo*, *Quando*. Huic numero tuto inhærebimur, cum reliquæ Circumstantiarum, quæ ab aliis afferuntur ~~negligantur~~ non nomen non mereantur, adeoque illæ ad hæc comode referri possunt. *Quis* notat personam agentem. *Quid* objecum quod agitur, vel circa quod agens occupatur. *Ubi* locum quo agit. *Quibus auxiliis*, media, quibus agit, quibus instrumentis actio perficitur. *Cur* finem, propter quem agit. *Quomodo*, modum, quo agit. *Quando*, tempus, quo agit. Dum hæ Circumstantiae substantiam actus afficiunt, singulæque convenientia cum recta ratione, actio ista humana dicitur bona, ubi vero disconvenerint, vel una saltim à recta ratione discreparit, mala dicitur. Hinc evidens est, bonitatem vel maiestatem morslem, aut formam actionum humarum dependere à prædictarum Circumstantiarum cum recta ratione, vel convenientia, vel disconvenientia. Dum dicimus, cum recta ratione, non intelligimus ipsam saltem intelligentiæ potentiam, verum rectum intellectus practicii judicium.

Nunc ocurrunt Circumstantiae generaliter proponendæ, quod autem Circumstantia Quis, importet πρόσωπον sive personam agentis, in confessio est. In eo tamen non conveniunt Auctores, utrum cā substantia personæ, an vero accidentalis illius status sive conditio, denotetur. Vasquezius illam sovet opinionem, quod nempe intelligatur ipsius agentis essentia, suffultus patrocinio Philosophi, dum ille subiectus circumstantiis, circa quas actio versatur, hæc: *Cuncta igitur bac, nisi insanus sit, nemo ignorat; perspicuum autem est, neque ipsum agentem: quo patte enim seipsum ignoraverit quispiam.* Hinc ille vult deducere, quod secundum Philosophum, nemo ignoret suam personam & seipsum, nisi insanus, quod vero attinet statum accidentalem personæ, hic saepe sanos etiam latentes potest, unde omnino colligit, substantiam agentis hic esse intelligendam. Sed cum Vasquezii opinio falsa sit, adeoque contraria, Scholasticis, ipsique Thomæ; insuper Aristoteles, cui nititur, non adeo ipsi patruncatur, qui hunc in modum de Circumstantiis differit *Cum igitur in his omnibus, in quibus actio est, ignorantia contingat, sic, ut qui aliquid ex his ignoraverit, invitus egisse videatur.* Hinc provenit, quod si quædam circum-

Ignorantiae ignorari possunt, ubi actio sit, adeoque
 singulæ distinctè spectatæ actionem faciant in-
 vitam, nequaquam Circumstantia *Quis* seu per-
 sonæ queat ignorari, quippe quam istæ omnes,
 ubi actio sit, atque ignorantia contingit, in-
 dubitatè involvunt. Unde illud falsissimum
 erit, licet Vasquezius hoc velit, Circumstantiæ
Quis, tantum agentis naturam & substantiam
 indigitari. Et cum satis constet de hac circum-
 stantia ex dictis, tamen ne hic sola auctoritate
 pugnemus, quemadmodum Vasquezius, pla-
 cet jam ratione probare, & quidem existima-
 mus, per Circumstantiam hanc, quandam quæ-
 rentis dubitationem atque varietatem indicari,
 illiusque mentem esse inquirere, à quo actus
 moralis, de quo quæritur, profectus sit. Cum
 enim quæritur, à quo hoc vel illud factum sit,
 aut sermo est indifferenter de omni agente, tam
 intelligenti, quam intellectu destituto, aut tan-
 tum de agentibus intelligentibus. Prius nequit
 admitti, cum in Ethicis agatur de actibus restri-
 ctè calibus, nempe humanis, & quidem de iis,
 qui afferente Grotio, ab animo, hoc est volun-
 tate sive προαίρεσι producuntur, illique, cum
 tantum hominem concernunt, profecto in-
 convenienter & minus appositè disquiritur,
 suppositum, quod effecit, rationale an irra-
 zionale, homo an brutum fuerit. Neque po-
 ne-

Rerius, non tantum ex eadem ratione, qua il-
 lud, cum nec de actibus Divinis, nec Angelicis,
 sed Humanis propriè sermo sit, adeoque in-
 epte queritur, DEUS, Angelus, an Homo
 id, quod effectum est, fecerit; Verum etiam
 exinde, quod ex diversitate agentium, respectu
 substantiarum illorum, nunquam detur varietas im-
 actu quoad moralitatem illius, eademque actio,
 illos sequè, vel deceat, vel non deceat. Manet
 itaque per Circumstantiam Quis non substan-
 tiā personæ, verum accidentalem illius sta-
 tuta notari, atque prout in corporis mixtura,
 aetate, sexu, educatione, aliisque consideratur,
 aptitudo ad agendum. An nimirum Magistra-
 tus, an privatus sit; an dives an pauper; an
 versatus in negotio quod exequendum est, an
 rudis, & certe circa hanc conditionem magnō-
 perè variare honestatem ac turpitudinem actio-
 nis patet: quod enim Magistratuī licet, priva-
 to sape non licet & contra; quod diviti licet,
 pauperi sape non licet, & contra; dives donare
 potest, pauper non potest; pauper etiam acci-
 pere potest à multis, à quibus accipere sine tur-
 pitudine nequit dives, & sic porro, quæ id ges-
 nus conditiones & qualitates personarum alia.
 Symbolum hujus Circumstantiæ & velut ora-
 culum quoddam hoc ponit ratio: *Ipsò se mosce,*
imo, Tuò se pede metire. Hoc oraculum longe

sapientissimum est, adeoque applicari debet illud ad familiariores quasdam & frequentiores considerationes, utrum quis sit bona valetudine, an adversa, dives an pauper, doctus an indoctus, indigena an alienigena, & quæ plura hujusmodi, penes hæc actionem moralem multum variare, prudentiamque, alia atq; alia agenda ac omittenda videre in prototypo suo, semperque illud contemplati, videlicet in ratione, deprehendimus.

§. VI.

Un stemus promissis obveniunt discutiendæ Circumstantiæ *Quid & Ubi*. *Quid* indicat actionis objectum sive materiam, etiam ipsum opus quod actione ponitur. *Ubi* tria perpendemus: *Essentiam*, *Qualitatem*, & *Quantitatem*. Quid *Essentiam* attinet, si enim foret objectum actionis *DEUS*, *Angelus*, *Homo*, aut aliud quidpiam. Quippe, quo Objectum nobilius ac dignius, in quo agens occupatur, eo atrocius ac fœdius, quod ad hoc tendit, delictum erit. Grave omnino æstimatur delictum, hominem aliquem afficere injuriis, gravius tamen Angelum, adhuc gravius atque atrocious *DEUM*, quoniam hic intermisibilis bonitatis & perfectionis, ita injuria ipsi illata, infinitæ malitiæ erit. Par modo, magis graviora morali judicio illa habentur delicta, quæ

totius Reipublicæ sive Communitatæ, quam
 singulorum injuriam concernunt. Nam ut sin-
 gulorum salute, nobilior & pretiosior est salus
 civitatis, quæ eo perturbatur, ita deterior erit
 actio, quando tota Civitas, quam quando pars
 illius solum, vel singuli in illa socii, vim pa-
 tiuntur. *Qualitas* inde patet; an sit ligata,
 an soluta, qua quis rem habuit, propinqua co-
 gnatione juncta, an seclusus in majori dignitate
 constituta persona, an plebeja? demortua, an
 viva? res crepta propria, an aliena? aliaque
 plura: Siquidem, ut bene observat Philosophus,
 multum respectu personæ ius, societatis, aut
 sociorum in ea incumbat, idemque delictum
 possit referri ad diversas societas aut socios,
 quoad paucorum aut plurium bonorum in illis
 participationem, majoremque vel minorem
 conjunctionis necessitudinem, inque socios in-
 de rediudans jus, nunc atrocius, nunc levius
 putetur. Nam ubi major in aliqua communi-
 tate bonorum communio est, ibi arctior in ea
 amicitia, & quo arctior amicitia, eo majus jus,
 quo majus jus, eo major in ea est peccantis so-
 ciū injuria, quippe cuius gradus semper ex
 gradibus juris, gradus juris ex gradibus ami-
 citiæ, gradus amicitiæ ex communione bono-
 rum plurium majorumve æstimatur. *Quanti-*
tatem demonstrat, unum an decem, centum
 vel

vel mille aureorum quis eripuerit? Symbolo
pereleganti hæc Circumstantia insignitur: Ne
quid nimis. Qvo innuitur nemini esse magis
tentandum, quam decet, Circumstantiâ Ille
inculcatus tótoq; seu locus, quem agens agen-
do occupat, nec non personæ actionem Cir-
cumstantes, circa quam attendere debemus, an
privatum, an publicè fiat actio, an apud alios, an
remotis arbitris? an inter doctos & intelligen-
tes, an vero inter idiotas & rudes; Et certis-
sime constat actionem sepe apud hos licitam
& laudabilem, apud illos illicitam esse, & vi-
tuperatione dignam. Multum sane interest
verberibus aliquem excipere, aut vulnus inflige-
re in Curia, palatio principis, aut aliis, qua-
loca, vel à personis inhabitantibus, vel ab o-
peribus in ipsis elaborari solitis, vel aliunde
priviliis & immunitatibus gaudent. Cum
multum intersit, si quis alicui auferret palli-
um in via regia & in itinere, an domi suæ,
latrocinium commiserit eo in loco, ubi latrones
suppicio affici solent, an alio, obscena dixe-
rit, aut Chartis luserit in templo vel alio loco
religioso, an profano? In sanctimonia enim lo-
corum multum sicutum est. In eo etiam pluri-
num consistit, si quis aliquem domi suæ in-
vaserit, cum cuique sua domus asylum sit. In
hanc Circumstantiam hoc Symbolum quadrat.

DEUS videt. Hoc nobis in animum revocatur, quod DEUM ubique locorum agamus, semper ante mentis oculos obversantem habeamus; Nunquam ab aliis omnibus ita secedere possimus, ut DEUM fugiamus, nunquam ita testi &c abstrusi simus, ut non oculis illius nudia- pertique simus, nihil enim eum latere potest, qui ex essentia & natura sua omniscius est; mi- nus specum igitur nobis videatur, si existime- mus, nos latere cum humanos oculos effugi- mus; Divinis enim oculis expositi sumus; sed caute hic est attendendum, ne juxta hoc Sym- bolum, qui agere volunt, ex timore, vel simili aliquo affectu agant, timore, scilicet, ne aliquan- do vindictam, de peccatis sumat, ideoque pec- caris abstineant; sed ut ipsum pro oculis jugi- ter habeant memores legis quam tulit, cique obdiant; cavendum etiam ne loco DEI sinant homines aut hominem aliquem obtrudi, quem pro oculis soli semper habeant, ut Epicurus vo- luit: *Aliquis vir bonus, inquit, nobis eligen- dus est, ac semper ante oculos habendus, ut sic tanquam illo spectante vivamus, & omnia tan- quam illo vidente faciamus.* Vir itaque bonus semper habebit DEUM ante oculos, nullum ho- minem, solum autem DEUM, idque ut asvefi- at non rationi obedire, ut sua est, quod valde lubricum est, & ad philautiam certissime con-

vertitur, verum ut DEI est, postquam mentem
scil. ejus concepit, & ad instar legis, quæ ab
ipso proveniebat, lata.

S. VII.

Orдинis ratione veniunt jam Circumstantiæ
Quibus auxiliis & Cur, explicandæ. Quod
concernit Circumstantiam **Quibus auxiliis**,
cum notum est hac particula designari, agentis
liberi instrumentum, quo in agendo utitur si-
ve adjuvatur, vel media, quæ ad finem adhiben-
tur, & quidem media, licet per se bona existunt,
non tamen ideo absolute bona dici possunt, nisi
nostra intentio & actio in bonitate conveni-
ent; ex opposito iterum, si media mala sunt,
non ideo evadunt bona, quod sivis bonus. Nam
axioma Ethicum ita audit: *Malum medium in-
quinat optimum finem, & optimus finis non ex-
purgat malum medium;* sive ut sic efferatur.
*Non sunt facienda mala ut eveniant bona, &
non sunt bona, que sunt, ut inde eveniant mala.*
Dare pauperi elemosynam bonum quidem est
per se, sed si quis det ipsi Elemosynam, ut sub-
ornaret illum ad accusandum, vel interficien-
dum innocentem, malum est; sic servare vitam
suum bonum est, occidere vero innocentem,
jus tu alicujus, qui ei necem minatur, nisi in-
nocentem occiderit, ut vitam suam servet, ma-
lum

lumen est. Proinde instrumentum sive medium
 statuimus esse geminum: *Naturale*, nempe, &
Morale. Per instrumentum *Naturale* intelligi-
 mus omne illud, quod libertate est destitutum,
 sive animati, sive inanimati nomine veniat; per
Morale vero, quod libertate est praeditum, aug-
 saltim ab agente libero proficiuntur. Ad pri-
 mum ordinem spectant, non tantum malleus,
 laqueus, securis, fustis, culter, gladius, lapis, ar-
 ma venenata, verum etiam bos arator, equus
 vector, & quae sunt plura; Ad secundum autem,
 uxor, filius, filia, servus, sagax, consilius, nec
 non mandatum, ius, receptum, aliaque. Huic
 ius Circumstantiae symbolum tale est: *A minimis maxima*. Quo indicatur non esse repu-
 dianda media abjecta & nullius fere momenti,
 cum haec persæpe finis præstantissimi concomi-
 tentur; ut si quis quotidie horulam vacaret re-
 bus Ethices, & præcipue sui ipsius inspectioni;
 leve & parvi momenti quidem videtur, eo ta-
 men finis pulcherrimus nos manet, nempe *Vir-
 tus & Sapientia*; ita etiam si quis studio bo-
 na Logices incumberet singulis diebus aliquan-
 tum, licet appareat res minuta & abjecta,
 perveniet tamen ad summam ingenii dexterita-
 tem, habilitatemque ad alias humanas scientias
 addiscendas. Hoc Oraculum procedit etiam in
 malis, à levissimis enim peccatis, cum haec non

reiciuntur, pervenitur saepe ad summa sceleris.
 Quemadmodum certum est de fure illo Æsopico, qui ultimas datus pœnas, Matrisque osculum, & velut extremum vale offensas, nasum ei demordebat, addens Elogium;
 si cum puer libellum à consolali meo abstulisse ut meritus eram, castigasses, non huc devenissem. Itaque nunquam sunt patranda, quæ vel minimum habent malitiæ: Circumstantia
Cur, denotat finem agentis liberi & intentio-
 mem, iste autem finis exprimitur per obedien-
 tiām præstandam *DEO & Rationi*; Per finem ve-
 rō nos hic intellectum volumus finem externam
 & quidem ultimum, cum finis internus & in-
 terjectus, respectu illius, potius medi⁹, quam fi-
 nis rationem habere videatur. Ita si quis furto in-
 vigilaret, ut se suosque conservaret, vel ut eō
 melius debacchari ac luxuriari possit, certè is
 duplē respicit finem, alter est internus, quem
 in ipsa actione intendit, nempe rei furtive pos-
 sessio, externus alter, qui quasi extra actionem,
 hujusque terminus est, & ad quem ille, cum
 que eo tota actio instar medii dirigitur, debac-
 chatio videlicet, vel sui suorumque sustentatio.
 Hec Circumstantia hoc agnoscit Symbolum:
Agere quod agis. Tunc hoc agere dicitur, item
 agere quod agit, quando quis tantum precise
 facit, quantum satis postulat, cum vero aliquid

agit quod parergon est, quodque ad finem illum non spectat, quem quis sibi proposuit, tunc dicitur alias res agere. Quemadmodum viator cum festinat, atque locum illum continuo attingit, ad quem iter direxit, tamdiu hoc agit, quod agit, si vero amanitate pratorum, quae viæ imminent, diverticulorum deliciis, occurrentium colloquio captus, commoratur in via atque iter suscepit suspendit, tum aliud agit. Vult itaque Oraculum, ut media nostra consideremus ex fine nostro, adeoque præcise illis simus contenti, in quantum ea pertinent ad consecutionem finis, non citra, non ultra. DEUS jussit vivere, ei vis morem gerere? tantum igitur vivas, quantum ille jussit, non minus. Insuper inculcat hoc Oraculum nobis quandam justitiam, quæ in proportione mediorum ad finem consistit, non debet plus minusve in mediis esse, quam finis postulat; saepè enim in mediis aliquid latet, quo abducimur à contemplatione finis, atque in sui contemplatione detinemur; hoc modo, ratione mediorum privantur, atque finis rationem accipiunt, simulque peccato nos implicant, ordinem pervertentes, mediaque, finem facientes; Quod si mors instaret, & optaret quis longior tem vitam, jam lex DEI non esset ipsi finis obes-

dientiæ; verum ipse esset sibi finis concupiscentiæ, nempe, ipse *finis cuius*, & vita ejus *finis cuius*; Partiter, cum quis pastui plus indulgeret, quam ad vitam opus esset, jam finis ipsius subordinatus non esset vita, ut quidem esse deberet, sed finis ipsius ultimus esset jucunditas, ex pastu percepta.

§. VIII.

Ultimum locum sibi vendicant Circumstan-
tiæ *Quomodo* & *Quando*. Particula *Quomodo*, significat modum actionis seu rationem, qua agens in patiens fertur: Nimirum, si quis aliquid fecerit languide an ferventer, joco an serio, severè an comiter, simulate an sincere, sponte an coacte, & ex metu mortis, dedecoris, doloris, aut summae egestatis, cum certo constet, illum omnino gravius peccare, qui sponte & cum nulla premis necessitas, accedit in rei alterius illicitos amores, quam qui, vel urgente inopia, vel metu mortis id facit aut degeoris. Hujus Circumstantiæ Symbolum est: *serio* & *sincere*. Serio dicitur agere, quando quis non per ludum, non per jocum, neque languide, sed studiose, cordate, deliberate agit, cum, quamvis vi- ri boni actionem seriam esse oporteat; nec ideo tamen putandum, quasi jocari, videre, ludere, & sic deinceps sint prohibita; verum, quod hæ dum

dum virum bonum respiciunt, aliquantisper naturam suam deponant, varientque arque ludicra esse desinant, & evadent summe feria. Quippe jocari, videre, ludere, eo animo, quo ilud à viro bono perficitur, non est magis jocari, ludere, videre, verum ut legem DEI exequatur tam serio, tam cordate, quam cum maxime. Præterea erit etiam viri boni actio sincera, id est, non aliter illam exterius exhibeat, quam ipse intus conceperat; neque datur ratio aliqua, cur aliquid simulare debeat, siquidem illud quod agat sit optimum, neque hominibus placere studeat, sed ut tantum *DEO & Rationi* obediatur. Porro, probe hic attendendum, & licet vir bonus nihil simulet, tamen quædam celare, & silentio, quin premere possit, quamvis nunquam in aliorum nequitiam concurrat, nec tamen sæpe eam carpat, & nec dicto, nec facto obveniat; qua in re equidem vir bonus putatur, se fide ac diffissimū lancer, à minus prudentibus, gerere; Verum, hi multum à vero recedunt, cum longe aliud sit, celare veritatem, aliud mentiri, atque aliud cooperari nequitiae sicutius, aliud non contravenire. Circumstantia *Quando*, agmen Circumstantiarum claudit, atque denotatur hac particula *tempus*, quo actio exercetur, ubi debet notari, fueritne tempus illud,

in quo actio suscepta, solenne, universalis latitudine, natalis principis, an minus solenne, sacrum, an profanum, diurnum an nocturnum, diutinum an breve. Symbolum hujus Circumstantiae depraedatur; *Dileberandum est diu, Exequendum cito.* Hoc dirigitur omnis non actio, quam nisi post maturam deliberationem, non suscipimus, si modo actionem ejusque Circumstantias circumspicie perpenderimus; in ipsa autem actione post maturam deliberationem, non habebimus, nec interpellabimus illam parergis, sed uno & continuo ductu cito & sedulo ad finem perducemus.

S. IX.

Absoluta sic Generali Circumstantiarum translatione, specialem adgredimur, quomodo scilicet allatae Circumstantiae ad substantiam actionis pertineant, eamque nunc in prima, nunc nova specie sive forma repräsentent, & quomodo illam in eadem specie augere, vel minuere possint; Certe, quantum ipsam Circumstantiam *Quis* concernit, sciendum, illam, tantum in se momenti atque ponderis continere, quod actio per eam non solum in prima, verum etiam aliâ & nova specie constitutur, atque sic actus, ex uno aliis peccati sive pravi facti naturam indu-

duat. Nam notum est, unam actionem primo intuitu non esse tam grave peccatum, eadem tamen diverso respectu potest omnino fieri multo gravius, adeoque aliam atque novam formam acquirere, objectum enim rei, circa quod aliquid committitur, facit, ut majorera vel minorera pœnam mereatur. Ita si quis esset, qui concumberet cum aliqua, hoc sane per se non foret turpe, hac ratione, si turpitudine omni concubiti inesset, viro semper peccatum diceretur, dum propriæ uxori debitum solveret; si vero solutus cum soluta concumberet, statim actus hievitiosus evaderet, atque talis concubitus simpliciter fornicationis nomine veniret; iterum, si eidem cum ligata concubere accideret, simpliciter adulterium vocaretur, si verò ligatus cum ligata concumberet, jam duplicatum audiret; sed si quis cum aliqua, cuius reverentia sanguinis habenda erit, concubitum peteret, incestus audiret, hinc, si aliquis acturus esset, quod in gradu affinitatis est prohibitum, incestus affinitatis; in gradu consanguinitatis, incestus consanguinitatis probè appellari potest, cum factis constet, diversitatem personarum agentium earumque qualitatum, in coitu illico, semper specificam induere differentiam, etiamsi huic assertioni Joh. de la Cruz, cum aliis, contrariari velit.

§. X.

Non minorem vim obtinet Circumstantia Quid, qua actionis objectum seu materialiam indigitari afferuimus, hæc enim, non solum actum, qui aliunde malitiam non habet, malum & illicitum facit, verum etiam cum actus jam tum in esse mali est constitutus, nova ipsum afficit malitia; Quemadmodum id fieri videmus in extensione manuum ad pecuniam, aut aliam rem, quæ contrectari potest, hæc enim prout in se spectatur, prorsus indifferens est, & neutra moraliter, ita in concepitu suo & formaliter, nec honestum, nec turpe, dici potest; verum, si accesserint hæc Circumstantiæ, quod illa res sit alterius, non tua, atque citra voluntatem possessoris erupta & privata, extensio illa omnino vitiositatem & culpabilitatem sibi accersit, adeoque furtū simpliciter vocari debet; verum si contingere, ut concurreret hæc Circumstantia, & res illa, ad quam manus sunt extensiæ, totam Rempublicam concerneret, non magis simplex illa, verum qualificatum ut dici solet, furtum, adeoque in specie peculatus appellari meretur. Proinde etiam, si accideret, res illa publica si foret, & simul sacro usui servire deberet, non eadem magis, sed alia iterum ea-
quæ

que nova furti forma seu species inde consurget, & sacrilegium diceretur. Porro, si illud ipsum, quod furto à quovis subtrahatur, sit homo, filius, aut filia, familia, & quæ reliqua, appellatur hoc *arðpanóðis mos* seu plagium.

§. XI.

Nec sua efficacia destituitur Circumstantia *Ubi* seu *Loci*, quoad constituet, sive primam, sive novam facti speciem, quemadmodum id deprehendere licet in occisione hominis alicujus, hæc certe in se & formaliter si spectetur, nullam turpitudinem implicat, cum in notorio casu, ea non tantum licita, verum etiam omnino debita sit. Qui verò occidit & non occidit parentem atque innoxium, vel quidem nocentem, ex privata auctoritate, & ibi ubi iudex deesse nequit, homicidium vocatur, atque si ejusmodi percussio sive occisio continget intra moenia aulæ principis, quæ juxta *Jus Gentium*, singularibus est donata privilegiis, novam illa statim malitiæ speciem involvit, adeoque non simplicis illa & vulgaris percussionis nomine veniret, verum hujusmodi securitas Curialis atque communis tranquillitas irrita redderetur, quod Germanicè exponitur *Eine Ehrbrechung des Burgfriedens*; Iterum, si eadem percussio

in via regia ac in itinere perficeretur; tum ea non magis simplex homicidium, verum latrocinium audiret. Hinc itaque non parum hic errat supra nominatus Alexand. de Ales, qui ubi, de Circumstantiis, quatenus ingrediantur actionis malitiam aut bonitatem, disquisit, in responsione ad dubium, quo prima illa Circumstantiarum divisio, unde loci atque temporis Circumstantiae plane exclusae & omisae insufficiet arguebatur, hunc in modum differit: *Prima divisio Circumstantiarum attenditur penes ea, que essentialiter se habent ad actionem, sunt enim quatuor Causæ, Efficiens, materialis, formalis, & finalis, & paucis interjectis.* Ad illud vero quod objicitur de loco & tempore, dicendum; quod locus & tempus non pertinent ad essentialiam actionis moralis, sed concomitantur eam, & ideo non ponebantur in predicta divisione, licet faciant ad aggravationem malitiae. Verum, quemadmodum contrarium, quoad locum, ex allatis exemplis abunde demonstratum sit, ita etiam idem quoad alteram videlicet temporis Circumstantiam, infra pluribus ostendimus.

Pariter Circumstantia Quibus Auxiliis, vel Instrumentis, sive animatum illud sit, sive inanimatum, exercet suam vim, ad constituendam individuali-
am & intrinsecam rationem actionis moralis, atque substantiam. Sicut hoc videre est in sanguinis missione, quae Phlebotomo peragitur, haec ex sua natura & intrinseca ratione mala nequit esse, sed statim ac si eam quis instrumento venefico, eoque, quo alter vita privari solet, sciens & voleans perficiat, missio ista est referenda ad pecuniare prædicamentum, atque eam actuum mortalium seriem sibi vendicat, cui titulus homicidium; sic etiam, si quis adspirat ad solidam eruditio-
nem, opes sibi acquitet atque divitias, inquiret aucto-
rem furti, depellat febrim, vel cum incendiū exor-
tum est, ignem extinguat, nullo jure hoc prohi-
betur: verū, si in ejusmodi rebus aliquis ope dia-
boli, vel spirituum, ut vocant familiarium, man-
dragoræ, sub patibulo præcipue enascentis concilio sagaruin, Evangelio Johannis, & sche-
dulis quæ de collo suspenduntur, aut fere vel simili instrumento, quod peculiaribus chara-
cteribus est notatum, utatur, actio ista evadit
mala & turpis, atque suum subjectum afficit ma-
cula incantatoris, quamvis sape inscii, velut id
Dñ. Posnerus satis in sua Physica demonstrat.

Porro occurrit Circumstantia *Finis*, per quem finem intelligimus finem operantis, non operis, prout in se spectatur, sicut principalis quin principalissima est, ita etiam acium non tantum ex objecto bonum & moraliter honestum, turpitudine afficit, verum & aliunde non malo & medio bonitatem impertit & malitiam; Quomodo ex sequenti exemplo patebit, ut si quis ad extruendum templum de suis justo titulo partis facultatibus sive bonis, certam pecuniae summam donare velit, interim tali prava Deoque exosa intentione efficeratur, ut vel inserviat suæ laudi & gloriæ, vel vano religiosi titulo, profecto ejusmodi collatio, quamvis ob objectum bona & laudanda est, tamen propter hanc solam agentis intentionem, vituper o quam laude dignior censetur. Pari modo, si quis iter faciat, illud ex se adiaphorum seu indifferens est & μετόν, quatenus verò hic actus ad debitum aut indebitum finem applicatur, eatus bonus aut viciosus dici potest, aggredi enim iter ut aliquis proximo subveniat, honestum, ut lèdat, in honestum sc turpe omnino erit; Cujus finis enim ordinatus bonus est, id ipsum etiam bonum censetur, fines studiorum sunt boni, igitur ipsæ artes bona omnia e-

runt; hinc ergo non valer, pauperibus clargici elemosynam est finis bonus, etiam furium hoc fine suscepitum est bonum, siquidem hic finis non est ordinatus, legitimis enim mediis non acquiritur.

§. XIV.

Excipit iam Circumstantia Quomodo, hæc etiam ad facti moralis speciem iijiusque gravitatem ac levitatem, non parum facit: Cum multum interesse omnino observemus, si quis puellam vitiet, dum ipsa consentiat, venerique occasionem præbeat, vel proflus si invitè & violenter id fiat, cum gravius peccatum illud sit, qui pudicitiam ipsam per vim, quam ex illicius consensu privat, illudque stuprum, hoc simplex fornicatio audit. Nec pro eadem specie actione est censenda, si quis aliquem in foro, vel extra portam manifestò duello, atque in itinere per insidias interficerit, cum prius simplex, posterius qualificatum ut vocari solet homicidium, adeoque in specie latrocinium appelletur. Pariter multum conferre dicimus, ut actionis bonitas & malitia adaugeatur vel minuatur, dum voluntas fortiori, tardiori atque remissiori modo in finem tetenderit, quo namque fortius voluntas, vel languidius, cum in finem illum

lum terredit, movebatur, eo magis, vel minus bona, vel mala ipsa dicetur actio; Eleganter de hac re Robert. Sandersonus: posito, quod aliquis actus sit de specie sua & ratione objecti bonus, & quod etiam fiat in bonum finem; vel & contrario, posito, quod sit malus, & fiat etiam in malum finem, quanto fortius moveatur voluntas, dum ad illum finem tendit, tanto ille actus, vel melior erit vel deterior,

§. XV.

Ultimò pønimus Circumstantiam Quandos Certe nec huic sua deest vis atque efficacia, dum actus moralis speciem constituat. Quod patet inde, si quis rus colat, nundinas celebret, contractum emtionis & venditionis instituat, hi actus sunt intrinseca ratione adiaphorici, verum, si illud contingat die festo aut Dominico, turpes sunt ac viciosi, spectantque ad illum locum, quem in serie prædicamentali obtinet profanatio Sabbathi; si quis, eum, à quo ipius corpus, cum vis præsens est, percussum, interficeret eo tempore, quo Judicis auxilium, absque omni præsentissimo vita peciculo, experti potuisset atque debuisse, homicidium patraret: verum si id in sylva, eoque tempore, quo momentaneum omne deficeret

dicium, accideret, moderaminis inculpatæ tuofæ
 nomine veniret, & actus ex hujusmodi tutela
 peractus foret licitus, quin debitus, & quidem
 talis, ut sine $\alpha\tau\omega\chi\epsilon\gamma\pi\alpha$ criminis postponat
 non potuisset. Verum, quod ex hac unica Cir-
 cumstantia, DEUS, percussores furum immuni-
 tate donavit, & illos ab illo suppicio quod
 homicidas manet immunes declaravit si nem-
 pe tali percussio eo tempore accideret, quo
 omnia quiescunt, quemadmodum percipi potest
 ex lege Judæis concessa quæ hujus tenoriss.
*Si effringens fur domum, sive suffodiens faerie
 inventus, & accepto dubnere, moremus fueris,
 percussor non erit reus sanguinis Exod. 22, v. 2.*
 Cui apprime conformis est lex Solonis vetus,
 cuius Demosthenes contra Timocratem memi-
 nit: *Si nox furum faxit, si eum aliquis occi-
 dit, jure casus esto.* Has leges in eo conve-
 nire certum est, ut furem nocturnum à diur-
 no accurate distinguant, licet de hujus ratione
 inter Doctores multum ambigi soleat. Hæc,
 pro instituti ratione, in præsenti, de prædicta
 materia dicta sunt, cum prolixiorem ejusdem
 evolutionem tempus vetet, hæc inquam, velis
 C. L. æqui bonique consulere, hisque levissi-
 mis pagellis bonus sincerusque interpres
 existere. De cæterò faxit DEUS T. O. M.

ut actiones nostras omnes in Divini nominis
gloriam dirigere queamus, ut semper ipsi pla-
deant, atque si contigerit, quod certe lèpe
contingit, ut malis nostris actionibuss ipsum
offendamus, eas, suæ *Magnificentissima*
misericordiæ velo palliare
dignetur.

*Iesus habet finem Cyenis descendere tempus
Duxerunt collo qui juga nostro suo!*

